

Script of Morning Gojri News Bulletin 30 October 2024 at 1015Hrs

ما رننگ گو جری نیو ز بلیٹن مو رخہ 30 اکتوبر 2024

یوہ آکا شوانی جموں ہے باغ علی طاہر تیں خبر سٹو۔

PM Gujrat

وزیر اعظم نریندر مودی اج دو روزہ دورہ ور گجرات جا رہیا ہیں وے اج شام ایکتا نگر مانہ 2 ارب 80 کروڑ روپیاں غی لاگت آلا بکھ بکھ ترقیاتی پروجیکٹاں غو نیں پتھر رکھیں گا۔ وزیر اعظم آرمب مانہ چھٹا مرحلہ 99 واں مشترکہ بنیا دی کو رس مانہ شامل زیر تربیت افسران سنگ خطاب کریں گا۔ اس سال غا پروگرام غو عنوان آتم نربہر تے وکست بھارت واسطے لایا عمل رکھیو گیو ہے۔ کل سویرے وزیر اعظم راشٹریہ ایکتا دیوس غی تقریب مانہ شرکت کریں گا۔

CM Urban Planing

وزیر اعلیٰ عمر عبداللہ نے کل کہیو ہے جے اُن غی سرکار شہری ترقی نانہ باندو دین غی وعدہ بند ہے۔ تے وے مجموعی تے پائیدار ترقی ور یقین رکھیں جس غے نال جموں کشمیر غا شہری علاقہ لوکاں غی زندگیاں مانہ بہتری آئی جا سکے۔ سرکار ترجمان غے مطابق کل کہر کوٹھاں تے شہری ترقی محکمہ غی جائزہ میٹنگ مانہ بولتاں واں وزیر اعلیٰ نے شہری منصوبہ بندی غی ضرورت ور زور دتو، تانجے شہری علاقہ مانہ بو رہی توسیع غو موثر طریقہ سنگ آزالو کیو جا سکے۔ ای بس سروس پروجیکٹ با رے گل کرتاں واں وزیر اعلیٰ نے شہری رستاں ور ان خدمات مانہ توسیع کرن تے ان رستاں نانہ اہم ہسپتالاں سنگ جوڑن غی ہدایت کی۔

Farooq

نیشنل کا نفرنس غا صدر ڈاکٹر فاروق عبداللہ نے کہیو ہے جے وے لوگ جہڑا جموں کشمیر نانہ پاکستان مانہ شامل کرن غا خواہشمند تھا وے ناکام ہوچکا ہیں تے جموں کشمیر ہندوستان غو تاج ہے تے ہمیشہ رہے گو۔ کل جموں مانہ میڈیا غا افراد سنگ گل کرتاں واں ڈاکٹر فاروق عبداللہ نے کہیو جے پاکستان اپنا ماڑا ارادہ مانہ کدے وی کامیاب نہیں ہو سکتو۔ اُنہاں نے کہیو جے دہشت گردی تیں خوفزدہ ہون غی کو ئے لوڑ نہیں ہے۔ اُنہاں نے کہیو جے لوگ جموں کشمیر غی سرکار ور اعتماد کرتاں واں آئندہ بہراں غے دوران ترقی غا رستا ور واپس آجائیں گا۔ دربا ر بدل با رے گل کرتاں واں ڈاکٹر عبداللہ نے کہیو جے یاہ روایت دو خطاں بشکار دوستی تے پہانی چارہ نانہ باندو دین غا مقصد سنگ شروع کی گئی تھی۔ تانجے دوہاں خطاں غا لوکاں نانہ اک دوجا غے قریب کیو جا سکے۔

Election Roll

جموں کشمیر ریا سٹی چناؤ کمیشن نے پنجابیت چناؤ فہرست 2025 نانہ تا تا ریخ بنان بارے تا ریخاں گو اعلان کر دتو ہے۔ تازہ ترین اطلاع غے مطابق پنجابیت چناؤ فہرست نمبر اک با رے فارم غی اشاعت آئندہ 11 نومبر نانہ جا ری کی جا ئے گی۔ دعوا تے اعتراضات آئندہ 11 نومبر تیں 9 دسمبر توڑی دائر کیا جا سکیں گا۔ اس سلسلہ مانہ پولینگ مرکزوں ور خصوصی کیمپ وی لایا جا ئیں گا۔ تے یہ کیمپ آئندہ نومبر مہینہ غی 16/17/23/24 تے 30 جد کہ دسمبر غی پہلی تا ریخ نانہ لایا جا ئیں گا۔

Mendhar

جل شکتی، قبائلی امور تے جنگلات و ماحولیات غا وزیر جا وید احمد رانا نے کل مینڈھر مانہ راشٹریہ اُچاٹر شکشا ابھیان سکیم غے تحت بنن آلا لڑکیاں گا بو سٹل غو افتتاح کیو۔ اس سکیم غو مقصد اہل اعلیٰ تعلیمی اداراں نانہ رقومات مہیا کرانو ہے۔ یوہ بو سٹل 25 کروڑ روپیاں غی لاگت سنگ تعمیر کیو گیو ہے۔ اس موقعہ و ر ضلع ترقیاتی کمشنر وکاس گنڈل نے ضلع مانہ چل رہیا تمام محکماں غا ترقیاتی کماں غی جانکا ری دتی۔ اُنہاں نے بکھ بکھ سیکٹرناں غے تحت ترقیاتی کماں غی حصولیابیاں بارے وی جانکا ری دتی۔

Kishtwar

بھوت کشتواڑ قومی شاہراہ ور کل پیشی بعد ضلع ٹوڈہ غا دریشالہ غا مقام ور اک تیز رفتار ٹیر نے پیدل چلن آلا 2 افراد نانہ ٹکر مارے بلاک کر دتو۔ اطلاعات غے مطابق گجھ تعمیراتی مواد سنگ لڈیا اس تیز رفتار ٹیر ڈرائیور نے ٹیر ورور کنٹرول کھوہ دتو تے سڑک غے کنڈے بنی دو دکاناں غے اندر جا بڑیو تے پیدل چل رہیا دو افراد نانہ اپنی زد مانہ لے لیو۔ زخمی ہوا افراد نانہ ٹھانڈھ ہسپتال منتقل کیو گیو ہے۔ جت ڈاکٹرناں نے ان افراد نانہ فوت شدہ قرار دتو۔

BDO

محکمہ گرائیڻ ترقي تے پنجايي راج نه اپنا ڪم مانبه لا پرواهي ڀرتيا جان غي پاداش مانبه ان 35 بي ٿي او ز غي تنخواها ور روڪ لا دتي به. اڪ سرڪاري اطلاع غي مطابق ياه ڪاروائي ايم جي نريگا سڪيم غي ويلے سر عمل آوري تے شفافيت لپان غي خاطر ڪي گئي به. حاليہ تخمينان غي مطابق محکمہ نه ياه ڪاروائي حاصل ڪي به ڪي ڪئي ضلعان مانبه ايريا آفسر ايپ غو استعمال ڪرتان وان بڙي ڪهٽ ڪا ڪر دگي غو مظاہرو ڪيو گيو به. اسنوں علاوہ نگراني طريقہ ڪا ر مانبه غير شفافيت تے لوڪان نانہ دتي جان آلا مزدوري غي رقم مانبه ٻيڙ پھير ڪيو گيو به. 15 ڏينھن تين زيا دہ عرصہ غو روز گار مھيا ڪران غو وي ڪئي جگھاں عمل ڪيو گيو. يہ تنخواہ بي ٿي اوز غي طرفوں مقررہ نشانان غي تڪميل توڙي بند رھ گي. زيا دہ خراب ڪا رڪر دگي غو مظاہرو سوگام تے واوورہ، ڪپوڙہ تے منٿلي ڪٿو عہ تے چسانہ غي بلاڪان غي طرفوں ڪيو گيو به.
